

中國地方志集成

浙江府縣志輯③⑩

同治孝豐縣志

雍正寧波府志

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成
浙江府縣志輯(30)

出版 上海書店

(上海福州路四〇二號)

印刷 上海市印刷七廠

發行 新華書店

上海發行所

定價 二九三元

1993年6月第1版 1993年6月第1次印刷

ISBN7-80569-841-4/K·136

沪新登字119号

重修孝豐縣志序

孝豐秦故鄣地明以前屬安吉至宏治間始分設縣治天目峙其南苕水遶其北關隘踞獨松鐵嶺之險物產沃蠶桑竹木之饒士習民風猶為近古壬申歲余來宰是邑地經兵燹滿目瘡痍田畝半就荒蕪流

孝豐縣志

序

一

亡尚多未復廣為招集滋其利源興廢振墜於焉匪易而數年來經營草創不憚辛勞如築隍浚池脩學建署以及橋梁道路育嬰養濟凡一切有益地方而便於民者業已次第舉行規模粗具而惟脩志一役竊有志而未逮也會 大憲有檄各屬脩

郡縣志之令遂與邑之人悉意講求留心

採訪而故老者民無一存者僅得康熙癸丑邑令羅君纂脩舊志事成促迫簡畧殊多而又時隔二百年滄桑陵谷今昔懸殊賦役戶口增損或異與夫忠孝節義題詠著述歲有其事地有其人又不知凡幾矣

孝豐縣志

序

三

况復劫換紅羊冤沉碧海貞同日月義薄風雲記載不得不詳表章不得不備事關得失豈淺鮮哉爰廣前志補其闕遺別類分門彙為十卷方輿水利履勘出自躬親人物藝文蒐羅半由掌故建置因時之制食貨酌土之宜職官選舉經世之大端旁

覽災祥致治之要務事苟有係乎政教書

必務致其慎詳庶

興朝文獻不同杞宋之無徵而下邑人文足

備輜軒之採擇惟願後之守斯土者踵而

增脩之不負 大憲孜孜求治之意而於

風俗人心有裨益也志創脩於甲戌仲秋

孝豐縣志 序

三

閱五載而成其分脩諸君子姓氏具列於

左以誌不忘是為序

光緒三年歲次丁丑七月知孝豐縣知縣

大興劉濬謹序并書

孝豐縣志目錄

知孝豐縣事大興劉濬纂

卷首

序文

凡例

纂修姓氏

卷一

方輿志 輿圖 分野 沿革 疆域 形勝 山水

卷二

水利志 原委 溝壩

孝豐縣志 卷首 目錄

一

卷三

建置志 城池 官署 公館 壇廟 祠 學校 書院 監 寺觀 塔 附 鄉區 村莊 附 橋渡 亭 附 衿衻

城池 官署 公館 壇廟 祠 學校 書院 監 寺觀 塔 附 鄉區 村莊 附 橋渡 亭 附 衿衻

卷四

食貨志 戶口 田地 賦役 賑錫 土產

卷五

職官志 名宦 縣令 縣佐 教職 武職

卷六

選舉志 薦辟 科目 五貢 例仕 掾仕 封蔭

卷七

人物志 鄉賢 鄉飲 附 政治 忠義 孝友 義行 儒林 寓賢 隱逸 方技 仙釋 烈女 忠孝 附 節

卷八

災祥志 兵戈 災歉 怪異 人瑞

卷九

旁覽志 古蹟 墳墓 金石

卷終

藝文志 著述 詩文

孝豐縣志

卷首 目錄

二

孝豐縣志舊序

原序

陸崑 明監察御史歸安人

孝豐縣志

原序

一

古列國皆有史自秦罷侯置守郡邑有志卽國之史防於禹貢備於職方氏凡分野形勝公府建置吏治民風物產悉載焉所以存故實昭勸戒乃政務所先而弗可緩者然非深達治體優於崇政豈遑及是耶吳興郡始三國時爲江左文獻之地歷漢唐宋沿革靡常入皇明循元之舊惟改長興州爲邑暨轄歸安烏程德清武康安吉而安吉之邑與長興壤地相接僻處西南盤據天目九龍諸山獨松石虎諸嶺遼遠公府鄙野難理緩則弛急則變其膏腴山林之利併入豪右武

斷鄉曲而賦役獄訟反在所後永樂正統山寇吳梅二姓嘯聚至勤王師討平成化末郡守王公珣乃建議割長興晏子鄉三鄉附安吉而以安吉孝豐等上九鄉自爲一邑但公府經始城池未備民居鮮少吏治苟簡湯許二寇復孿牙其間乃請兵戡定於時撫按藩臬深以令長爲艱白諸鈐司遴選泰和郭君治嘉靖癸未夏蒞任不鄙夷其民清嚴律已而濟以勤敏葺年百務就緒井里改觀文教事興人才聯第與上邑抗衡仕優之暇定爲義例屬學論陳君表采輯成志取其覈而信及係事體之大者若諸仙釋奇怪無補於政者畧之大率准一統志遵時制也間示請序其端予嘗慨吳興名郡

惟志載外遺議欲纂修而未遑以名宦人物尤在所先肆輯
爲名賢錄庸備考訂邇德清方尹日乾編纂成志予喜鄰邑
之得人茲觀此編又附名永久豈非幸歟雖然事之成否顯
晦固自有時其實則在乎人焉耳斯邑士民因文獻之足徵
尙其體賢尹之用心勉修行業保族宜家求無負於聖朝休
養生息之恩庶亦有光於斯誌哉郭君宇昌修號中洲英俊
之才該博之學弱冠以詩經魁江右故爲政知所先務如此

孝豐縣志

原序

二

重修序

黃朝選

湖以西列郡三而湖當震澤之衝湖之屬有七而孝豐踞天
目之勝舊爲安吉縣西南隅以其地林篁僻遠易服難馴事
多阻格刺史以白之三臺使臣請自縣治而南數十里許更
爲邑安吉爲州疏上得報可遂斬蓬蘽而歸然邑則弘治之
改元始矣邑志則編於嘉靖初郭令草昧創定謀野之禔謀
而已去今八十餘禩而山川之所慈鬱人文之所潛發併麗
譙雉堞之所新而滄桑之所變月改盼而歲煜其華儻因仍
前志罔所增緝令芳踪奇軌湮沒於崗嵐嶂煙甚非周官圖
職方輿經野體國意也余承乏茲邑退食之餘與邑博王君

孝豐縣志

原序

三

錦江君大曾張君子思定爲條例以屬諸生吳宗相王用卿
王紹通周維新等共彙次之其類方輿則地圖至風俗爲條
六類建置則公署至亭榭爲條十五類食貨則戶口至土產
爲條四類職官則縣令至名宦爲條十一類選舉則薦辟至
封蔭爲條七類人物則鄉賢至仙釋爲條七類災祥則災異
祥瑞爲條二類旁覽則古蹟至寺觀爲條三類藝文則御製
至詩賦爲條四總其帙凡二卷梓成而屬序於余余韋是書
幸其華不蔓核不俚簡不漏一寓目而三才大猷彬彬眉睫
甯敢以狐左之管俾蕞爾邑徵文獻哉遂不辭而序其略如
此萬歷壬寅季秋望日知孝豐縣事金谿黃朝選撰

重修序

王宏仁

今天下車書一統矣

詔令薄海郡縣通修志書甚盛典也西蜀羅君以甲午名雋爲
豐邑宰爰輯舊志而更新之書成余覽竟而思邑之有志與
國之有史一也史關天下之大志備郡縣之詳其義例紀載
良非漫然無所稽考治理於是乎備風教於是乎維取一時
紀述者之心合之百千萬輿人之心以通於

朝廷教養百姓之心無不源流畢貫焉雖一事一節之微必非
無故而存一民一物之細必俟徵實而見故其書足以論定
於當時而傳信於後世俾夫展卷者如身履其地而知人民

孝豐縣志

原序

四

之何以輯柔也風俗之何以敦厚也山川險阻之何以控制
也財賦生息之何以饒裕也往古來今之治否得失何以相
尋也職官賢否之何以昭勸誡也以閱者之心通之紀述者
之心於以施之治理播之風教卽此書而具不必遠覽冥搜
已然則義例紀載洵豈漫然無所稽攷者哉因思不裕經世
理物之量不能成經世理物之書羅君雖在百里而治行殊
自軒軒日上卽所紀不過二百餘年之事而其爲文之核而
信簡而該允有益於治理有裨於風教余得藉手以成吳興
之盛事噫嘻抑何幸歟遂援筆而爲之弁其首時

皇清康熙十二年癸丑孟夏月朔旦中憲大夫知湖州府事加

四級王宏仁題

孝豐縣志

原序

五

重修序

羅爲廣

志非史也而同於史載筆而書大義炳如春秋之別於晉楚史且進而爲經志豈易言哉然有是邑卽不可無是志山川疆域戶口財賦以至守令政績忠孝節義不可泯沒卽古今題詠紀述有關於世者亦必搜輯而備載之登風俗之良書而上之

天府官茲土者不能已已況

聖天子在御方輿內外車書輯一下令郡縣編纂成書用資採覽不揣鄙陋方以前志闕略正在修輯而頃又奉檄刻期竣事雖杼軸不敢匠心而訪求邇難遐索蓋邑建自勝國而山

孝豐縣志

原序

六

川如故沿革猶新前此豈乏紀載然法不得書卽近今分壤而治與舊隸不同亦例不得書故豐之可載者斷自弘治丙申後距今二百餘年事蹟而已而邑之有志肇自郭泰和繼於黃金谿迄今七十二年遺文佚事闕略實多自非延訪參訂豈易周悉爰請明經張暹王萃亨王恪文學王美中王雲蒸章雲祜等分類旁搜補綴成編述舊章以徵信遵

時制以更新於前無所遺於後爲可久敘略倣之年表名賢衷之論定紀災祥以示修省收詩賦以備採風其書告竣余反覆閱之雖於南荆遺牒愧乏博綜要於東魯刑書嚴求簡核較之前志可謂得其體要矣蓋景高山之秀者天目雙清

滙江淞之流者董源分衍溪山韞異名碩流輝前有聞人後

多紹述方來未艾自應改觀覽斯志者不下堂階可以得治理之先資矣然余有言者前志所載無論矣近今遺愛在人三代直道尙未泯也人心猶爲近古不大可見歟司牧者其何以副斯民而無愧哉余方以自矢而又將以此書爲後人金鑑也時

皇清康熙十二年歲次癸丑春王正月穀日知孝豐縣事蜀南
克羅爲廣題

孝豐縣志

原序

七

孝豐縣志後序

訓導 李煥文

今天下郡縣志各用纂輯彙成大一統書垂之無窮甚盛事也余典豐庠六載會遷麗水諭將去西谿羅父母留以監督志局不獲辭三閱月而書成遂謂余不可無所識竊以邑有志猶國有史擅三長辭兼體要維志亦然故君子難之在載筆者以道爲衡以義爲斷千載微文炳如星日則山川靈秀既發光華而人文事蹟不嫌揚挖典則攸存故行焉而不窮體裁既得亦言焉而不疚將於此徵文而文足徵於此考獻而獻可考天下信之百世傳之實在此矣侯以劍南理學名儒來蒞茲土初至崇儒術惠災黎其政績將上達

孝豐縣志

原序

八

楓宸紀文彤史矣故其董率羣英刻期編纂表前志以徵信而補所未備其文倍加簡嚴凡所登記巨細精詳道藉以明義由以立雖豐邑建自勝國歷紀不過二百餘年而人文事蹟就所樹立敘次分明其文直其事核不虛美不徇物謂之實錄豈不信然其間采輯成書者則有明經張暹文學王美中實身其事焉余得藉手告成厠名簡末以垂不朽皆羅父母之所賜哉余將之麗水瀕行之日敬附數言於後是爲敘康熙十二年癸丑春仲古虞李煥文序

孝豐縣志附跋

邑人 張 暹

郡邑之有志所以考方輿記風土倣漢班固地里志而踵之以成書者也明憲廟時詔儒臣修一統志稱全書焉自是厥後建置不一損益因革詳略或殊其間名宦人物暨謠俗盛衰阨塞要害使無以紀之其何以網羅梓聞作鑒方來乎今

上御極之十有二年適當車書輯壹玉帛來朝之會天下郡縣咸集成書而獻之用以備采風資政治非偶然也豐初無志草創於郭繼修於黃距今七十有二載故老耆舊無一存者訪求散軼哀輯惟艱邑侯羅令君集二三同人互相商榷仍前志類纂復廣所未備次爲十卷越三月告成草凡三易手爲論定者

孝豐縣志

原跋

九

則羅令君西溪旁咨可否者則呂職方半隱而暹與王子美中亦與有微勤焉則甚矣邑志之難也蓋志他邑難而志豐邑尤難豐之新建非若曲阿地古歷千有餘年也大要如毘陵之靖江始置於成化之中葉吳淞之婁縣重設於順治之初年事蹟簡而易盡聞見略而難賅以秩官則煦煦若冬日矣以人物則落落如晨星矣雖有鴻筆之士安能飾美以相增益哉然而漢爲鄆縣則其地猶古也民皆敦樸女競懷貞則其風猶古也山則戢屨水多清駛則其景物猶古也前督學黎公博菴李公介五稱豐人士不下程安長德諸望邑則其人文猶古也使上下共期於古處而司牧者以古龔黃之治治其民司訓者以古蘇

湖之教教其士而民不猶爲古之民士不猶爲古之士者未之有也況是書也義例謹嚴雖善善欲其長而一字之褒不敢不慎者正安定所謂傳心要典春秋之微詞寓焉卽如所載列女惟身後論定而後得書焉此物此志也夫然則是書也攷諸已往傳信將來俟之有造于豐邑其功詎淺鮮哉不揣固陋竊附數言於末是爲跋康熙癸丑歲上巳邑人張暹跋

孝豐縣志

原跋

十

凡例

一孝豐自兵燹後典籍無存遍爲訪求始得康熙十二年舊志一部記載疎略似迫切所成新修郡志記事詳明得體可資法式惟孝邑僻處偏隅文獻旣屬無徵搜羅尤爲匪易殘缺之憾在所難免

一舊志圖及景物而學宮反闕緩急宜茲補圖學宮而芟山水重教化輕遊觀也縣境圖改用開方法增注鄉圖山水道路關隘便檢閱而有實用

一舊志有從妄者詩見藝文而山川下先注有某某詩人物各有傳而于科目職官下又詳行誼藝文中復載墓志詩章則

孝豐縣志

凡例

一

兼及道中懷人之作未免煩複茲悉爲酌其去留方輿門載名勝二十景曰仙溪春渡曰董嶺分源曰南嶼聳翠曰龍池應禱曰浮玉晚嬌曰五山觀奕曰西溪釣雪曰郭笑尋梅曰南山天馬曰水口石印曰景水交花曰靈巖清翠曰瀟溪石語曰古澗虹飛曰青山噴蜴曰烏石呼龍曰化巖仙跡曰張塢石佛曰夫溪山秀爽四時改觀卽一壑一邱龍巖瀑布曰石門古松而流連不盡鑿而表之矜其多毋乃適形其淺耶似不如節之以免習套

一有從增者學校門之樂章文武之學額武備門之防兵額數科貢門之副貢皆制度所闕不當脫略方輿門添沿革表以清眉目旁覽志添金石類以廣搜羅藝文志添著述類以彰文事

一有當合者舊志武功宦業分爲兩門而武功祇載臨川太守朱然父子二人其功仍在宦地與本邑無涉也因合併武功于宦業而以歷代禦寇剿賊有勞本邑者爲武功志建置門舊分公署行署屬署茲合爲一日署舍職官門分教諭訓導茲合爲一日學職分令丞巡典爲四茲分爲二曰縣令曰縣佐

一有當分者山鄉以水爲命盈虛消長年之有無係焉水利不可不講也故從方輿志中提出自爲一志城隍龍神列在祀典卽廟貌尊嚴禮當優異舊與庵觀均入旁覽殊爲失當祠祀門列壇廟而廟祇龍王并詳其制城隍廟及各壇則詳其

孝豐縣志

凡例

二

制及基趾雜公署中未知何義今另立壇廟門記壇壝祠廟次於公署而以祠祀附入

一山水舊不分方向遠近且多遺略茲爲補其缺而循其序山則自南而右旋水則自西而徂東庶開卷瞭然

一四境界限舊志間有錯誤茲爲更正并於原志未列界限補按列後以備參攷

一舊志戶口自前明弘治分縣始止萬歷三十年言此後增損不多不備載乃現載數目亦不甚懸殊茲故前載作邑時中載萬歷三十年逕接

國朝順治四年編審數續載康熙五十年滋生人丁永不加賦

及雍正四年丁歸地畝時數後雖每逢編審屢有加增而自丁歸地之後不係考成大約虛行故事而已不足憑也惟咸豐間編查保甲富有實數而備案無存莫能舉其說今戶口大減雖招徠休養生齒漸繁然而客戶居半矣據新編保甲冊列入頗無浮隱

一田地山蕩代有廢興

國朝以來有增無減今則土曠人稀頗多荒塌矣茲照舊志詳錄用識原額續載歷年勘實成熟畝數見兵後復額之難也一賦役始萬歷十五年刊碑緣

國初照舊徵科也嗣後屢有蠲減茲將同治五年以後徵糧各

孝豐縣志

凡例

三

產縣額以及額徵款目詳加參訂分別載入以備攷核

一溝壩係于農田建置關於民事雖廢必書或後有興作便于遵循

一後世官無久任百數十年中更代不知凡幾被兵之地卷帙蕩然殘黎又鮮能言者茲從閩中鈔錄舊卷得若干人至攝代人員多無可稽祇可從闕

一名宦鄉賢列祀典者具有列傳其政績昭然而未經崇祀者舊志但於名下注行實及應祀二字而不立傳竊謂傳者傳其實蹟有蹟而後祀非因已祀而始爲傳也應祀而不爲上請則有司與邑士大夫之過夫旣日久論定饜服人心正宜

大書特書以彰直道茲故概爲立傳而注未祀二字於下以別之

一名宦卽職官也舊載職官志僧道司下似未合宜茲移入人物志而於職官下注詳名宦

一舊志論孝子謂割股療病事親一節不敢直書故祇載邑令所旌二人附注於末其一農民也夫一節之孝亦孝也若割股而出自顯愚尤徵天性箕帚耨鋤後世多有矣亟宜書之用勵薄俗

一列女雖未奉題旌而訪實輿論卽爲登載郡志例也節婦在三十歲外者或守節未滿年限而卒者例不得請

孝豐縣志

凡例

四

旌或略逾年數而清水自守無殊弱齡早殂數歲而古井無波有如一日竟焉泯沒亦復堪嗟

朝廷限制雖必酌其中鄉黨揄揚正無妨從厚茲凡有年限未合而操守凜然人無間言者均與附錄藉闡幽光

一兵戈後人文衰颯隻字片言亦資攷證凡斷碑殘碣有關政治者固自可珍卽文非典要而古蹟僅存曷忍聽其湮沒特

立金石門用廣耳目

一舊志土產寥寥動植外均置不錄禽獸亦不及家畜茲爲補花木草藥蟲魚鳥獸共二十九種皆據耳目所覩及郡志所

載者以是知深山絕壑埋沒者多矣

一凡舊治廢署宮室臺榭俱歸古蹟

一舊志不及莊村茲定以鄉統圖以圖統莊以莊統村并詳其離城遠近不獨可知人民盛衰卽出行遣役往返之期俱可按冊預定不待諮詢

一災祥志舊分災異祥瑞夫遇災而懼災可爲祥得祥而驕祥亦爲異存乎人也故但記實不分凶吉

一總目原分十卷二方輿二建置三食貨四職官五選舉六人物七災祥八旁覽九十藝文今以凡例序文爲卷首方輿卷一另志水利爲第二卷緣山鄉豐歉惟水是視關民生者重也下以建置爲第三卷食貨第四以次遞降而合藝文九十

孝豐縣志

凡例

五

爲第十卷較舊志所增三之二也

大興劉濬識

重修孝豐縣志姓氏

鑒定

選用道湖州府知府楊榮緒

補用道署湖州府知府郭式昌

補用道署湖州府嚴州府知府宗源瀚

湖州府知府景隆

主修

補用同知孝豐縣知縣劉濬

分修

孝豐縣儒學教諭余贊臣

孝豐縣志卷首纂修姓氏

孝豐縣儒學訓導陸貢珍

贊修

刑部員外郎王景沂

前任湖北思南府知府許廣藻

分纂

江蘇候補選訓導潘宅仁

江蘇候補選訓導傅成霖

候補鹽大使陳煥

協纂

候選同知許慶霄

候補縣丞范臺

候補知縣徐紹庭

採訪

知州銜江蘇候補布理問楊惠霖

五品頂戴附貢生諸廣載

候補選訓導吳俊卿

拔貢生就職教諭王蘊華

恩貢生就職州判洪泮林

歲貢生就職訓導諸起洛

歲貢生就職訓導萬志瀛

孝豐縣志卷首纂修姓氏

歲貢生就職訓導王梓儒

恩貢生就職訓導吳國楨

歲貢生就職訓導沈夢樓

附貢生就職訓導蔣春第

附貢生就職訓導洪誥

附貢生就職訓導董遂良

附貢生就職訓導王湘

附貢生就職訓導陳西峯

優廩生就職訓導陳維怡

廩生就職訓導金在鎔

廩 生湯錫光

廩 生王國瀛

廩 生周春熙

附 生章雲漢

附 生施令儀

附 生施其藻

附 生施聿懷

武 生萬芹

襲 尉嚴汝金

職 雲 騎

參校

孝豐縣志 卷首 纂修姓氏 三

理 問 銜 從 九 品劉其溥

分 部 郎 申劉持遠

繪圖

候 補 鹽 大 使劉棣鄂

孝豐縣志卷一

知孝豐縣事大興劉濬纂

方輿志 輿圖 分野 沿革 疆域 形勝 山水

方輿古職方氏所載也雖沿革非一而物土辨宜畫疆設險古

今弗異察星宿之分野紀山川之阨塞驗風俗之盛衰挽回補

救於是焉施膺民社者願可忽諸

輿圖 縣境圖 縣治圖 學宮圖 縣署圖 書院圖 豐北閘圖 沿圩安吉梅溪公館圖 天目山圖

聖世之瑞河圖洛書古王之制左圖右史伏波畫山川而寇

虜在目鄧侯收圖籍而形勢可知圖之係重哉若夫少文五

岳摩詰輞川斯高人之雅致無關經國之要圖也舊有天目

孝豐縣志 卷一 方輿志

山及八景圖茲惟存天目邑之望也餘從割愛

孝豐縣輿地圖

孝豐縣志

卷一

方輿志輿圖

二

縣境圖 每方五里凡絲為
國界點為道路



孝豐縣志

卷一

方輿志輿圖

三



